

Atención a la diversidad

Actividades de refuerzu

(P. 25-26) Llectura

1. Llei otra vegada esta llectura.
2. Repara nes palabres resaltaes. Fíxales bien na cabeza procurando memorizales colos güeyos zarraos.
3. Si nun sabes el so significáu, entruiga al profesor/a o consulta'l diccionariu.
4. Desque acabes de lleer la llectura, mira a ver de cuántes palabres en negro yes quien a alcordate ensin mirar el llibru. Anótales na llibreta.
5. Repiti la xera hasta que seyas quien a escribiles toes.

(P. 29) Modelos de descripciones

1. Escribe equí los sitios onde puedes mercar una postal.
2. ¿A quién te prestaba unviar una postal dende un viaxe a un sitiu imaxinariu?
3. Escribe equí delles formes d'entamar una postal.

Exemplu:

Hola, pá: Préstame muncho esti sitiu...

(P. 33) Buscando'l tesoru

Inventa nomes de sitios pa visitar, sitios onde, de xuru, puedes alcontrar un tesoru. Tienen que tener la lletra X. Ayúdate del diccionariu y repara nos exemplos:

El País del Xeitu
Lugar de Xugarretes

(P. 35) Mensaxes

Figúrate que yes ún de los que foi d'acampada. Escribe un mensax, pa unviar a un amigu, que nun tenga más de 10 palabres.

(P. 40) Nomes y nomatos

Hai escritores que firmen con un seudónimu o nomatu. Si tu fueres un escritor famosu, ¿cómo te diba prestar firmar? Discurre un nomatu asturianu pa ti.